

Fida Nyamesemka: Ɔbese 11, 2013.

(Friday sermon – 11th October, 2013 – Fante Translation)

SI NKETSE HYENHYEAYEE A ƆFA NO NSUAE (BAI'AT) HO NO.

Ɔdze ne Fida Nyanmesemka roto gua wƆ Melbourne a ƆwƆ Australiaman mu no, Hadhrat Khalifatul Masih kaa de Anohoba Mesia (ANN) no kaa de “WƆdze me baa de membekenyan som na membeda no edzi de NyankopƆn wƆhƆ nkyere adasamba osiande Ɔman biara ne tsebea wƆ sunsum mu ato nsu mu dodow na ndaakwamba no wobu no de Ɔye anansesem. Ankorankor biara ne nyee da no edzi de onnyi gyedzi nna Allah Ɔsorsornyi ho ntweree, na Ndaambakwa de Ɔbeba ampaara a Ɔfa no wiadze Ɔnye n'akesedze na ne ntwetwa ho na mbre osi twer wiadze n'akwan na dza ƆrokƆ do. Tekyerema keka nsem pii na mbom akoma dze wiadze ho dƆ ahye no ma. Dem tsebea yi ara na Jesus (ANN) huun Jewfo no de wƆwƆ mu de hƆn gyedzi aye mberew, Jewfo hƆn brapa asee mbordo na NyankopƆn ho dƆ ayew koraa. Dem tsebea yi ara so na Ɔtse wƆ me mber mu, na wƆdze me aba ama nokwar mber gyedzi asan aba na wƆdze Taqwa (tseneneeyee) ahye akoma mu. Dem nsem yi nye dza wƆnam do bƆƆ me nyimpadua. WƆaka akyerere me de Sor ahenman mu (Heaven) a Ɔnye Asaase ntamu awar no bƆtwe epin ho bio”.

Hadhrat Khalifatul Masih kaa de hen a yedze ato henho do de yewƆ Anohoba Mesia (ANN) ne Bai'at no mu no, wƆde yesese hƆnho hwe hu mbre do botae a Ɔnam no ma Ɔbaa no yerehye no ma. Ɔkaa de Ɔaba de Ɔrebekenyan gyedzi, dem ntsi ƆwƆ de yesese hwe de hen gyedzi tƆ kƆ nkenyan do. Ɔkaa de wokenyan gyedzi ber a egye NyankopƆn dzi mapa, mbom wƆtƆ kƆ wiadze egyapadze do dodow. Nde mber yi, de yedze henho bƆto NyankopƆn do no a adze a onnhia hen biara wƆ ber a yedze henho to wiadze mba na wiadze nsemansema do akere ehiadze papaapa. Onnyi de yeto hen enyi hwe de wiadze tƆ kƆ wiadze ndzemba ho anaa, mbom ƆwƆ de yesese hen mu hwe de yeto kƆ egyapadze ho. Se yennhu NyankopƆn No Su de mbre Ɔtse a, se yeye Bai'at wie mpo a, onnkehia de yebefre henho Ahmadiyyafo. Se nde mber yi yedze obu ma hen wiadze ewuranam kyen NyankopƆn a nna yennhye botae a Ɔnam do ma Anohoba Mesia (ANN) no bae no ma. Ana yeto kƆ wiadze amandze do kyen gyedzi anaa?

Anohoba Mesia (ANN) kaa de: “Anofamfa na yedze kyere de NyankopƆn bor adze nyinara do, mbom hen ndzeyee kyere de wiadze ho dƆ ahye hen akoma mu ma”. Yehu no wƆ Muslimfo na hƆn a wƆnnye Muslimfo ho de wiadze ho dƆ, egyapadze a yekeka do na brabƆn atwe NyankopƆn ho dƆ ako ekyir. Ɔnam NyankopƆn ho dƆ ntsi, Muslimfo wƆde wƆye asƆr mpen enum dabiara, mbom soronko wƆ ne nyee mu. Ahmadiyyafo wƆde woker hƆnho hwe hu de wƆbƆ mbƆdzen ye asƆr (Salat) de mbre NyankopƆn Ne mbranssem tse no. Se Ɔntse dem dza nna yerototo Anohoba Mesia (ANN) no botae a Ɔdze baa a Ɔkyere de Ɔrekenyan gyedzi wƆ NyankopƆn mu no, Ɔdze sor (Heaven) reben Asaase do no ase. Nokwar, hen gyedzi na ndeyee ho mfomee nntoto Anohoba Mesia (ANN) no botae ase dze, naaso Ɔmma

hen nsa nnka nhyira a ɔwɔ ho na na ɔma dza yeka no ye anofamfa ara. De mbre ɔbema binom hɔn gyedzi ahwehwe hen gyedzi mu no, Ahmadiyyanyi biara wɔde ɔye nhwehwemu hu mbre osi rehye ne Bai'at anohoba na Anohoba Mesia (ANN) no botae no ma na ɔreye ndzepa na ohu mpenpendo a ɔrehye mbra no ma kyen de ɔbema wiadze ndzamba eedzi bano gyedzi ho.

Anohoba Mesia (ANN) no dze Bai'at ho nhyehyee bɔbɔ adze. Ɔkaa de obiara a ɔpe de ɔbeye okuwmba no wɔde ɔnye no bɔ awer dzendzenndzen na ɔhye nhyehyee du yi ma. Mber pii Anohoba Mesia (ANN) no tuu hen fo tsii iyi mu yie na hɔn a wɔnye no bɔ awer no nnsesa nnkɔ nsakyer papa mu ber a wɔaye Ahmadiyyafo ewie no; afei nna soronko nnda hɔn na binom ntamu. Ɔwɔ de yebɔ mbɔdzen nya gyinabew bi a Anohoba Mesia (ANN) rohwehwe ma yeaye no.

Dem ntsi Anohoba Mesia (ANN) no tuu n'akadofɔ no fo de: Bai'at ho mfaso nnye kusum amandze. Dem Bai'at yi nnyi nhyira. Obi botum enya Bai'at ho nhyira wɔ ber a onyia no tu kafo wɔ sunsum mu na ɔdze ɔdɔ na nokwardzi fam ho ma onyia no a Bai'at no ye nedze no a ɔaye no. Ohia papaapa de itu dem nkitahodzi yi ho mpon. Se onyia no a ɔrohwehwe no enntu dem nkitahodzi yi mpon na ɔammbɔ no ho mbɔdzen aɔno sombo biara a ɔbɔbɔ no nnyi gyinanan. Ɔdɔ ho nkitahodzi na nokwardzi wɔde wɔma otu mpon de mbre ɔbeye yie na onyia no fa su no a nyia no a Bai'at no ye nedze no a ɔaye no na ɔye ne ndzeyee na ne gyedzi ho nhyehyee. Onyia no wɔde ntsemara ɔdan noho kɔ nokwardzi na nyamesom ho na ohu de ɔwɔ nkontaabu fi anapa kodu ewimbir!

Anohoba Mesia (ANN) kaa de mma yenndwen de yeaye Bai'at ara na Nyankopɔn N'enyi aɔ. Bai'at a yeaye no ye noho abon ara keke wɔ ber a adwe no ara wɔ no mu no. Ɔkaa de onyia no ne gyinabew nnyi de ɔye de kyirefuwa a onnyi adze no a nu su kyere akokɔangua a ɔwɔ kyirefuwa no mu no anaade fufuw no a ɔwɔ mu no na woeyi no tokyen no. Ɔwɔ de yehwe henho de yeaye adwebon no anaade adwe no wɔ mu anaa!

Enya aye Bai'at ewie no ɔwɔ de itu wo gyedzi no mpon ɔnye Nyankopɔn ho dɔ na ɔnam dem Nyankopɔn ho dɔ yi do itu ɔdɔ so a ewɔ no wɔ No dɔfo Nkomhyenyi (NNN) na Anohoba Mesia (ANN), Odziadzenyi (Khalifat) na enya obiara so ho dɔ. Anohoba Mesia (ANN) kaa de ɔwɔ de yenya setsie a ɔkrɔn. Setsie nnkyere de egye Khalifa ne nsem bi to mu ɔnye mbre wosi hwe Jama'at (Kuw yi) yi to mu na nsem nkaa no nngye nnto mu. Se obi gye to mu de ɔaye Bai'at dza, onyia no wɔde ɔkyere setsie a osi pi. Se obi se de oridzi nyimpa no a ɔaye ne Bai'at no ekyir a na ɔye Muslimnyi a gyede onyia no gye to mu de biribiara a onyia no wɔ no dze wɔ Nyankopɔn na odzi wɔ No Som so. Ampaara, de ebeye Bai'at no kyere de edze woho bema.

Anohoba Mesia (ANN) no tuu ne nyenko bi fo aber bi de nsesa ye adzehiadze, se inya ye Bai'at a na se nsesa ammba a ɔno nna ɔye de ereserew Bai'at no. Ampaara, nyia a ɔaye Bai'at no ne bra dadaw no kɔ owu mu na ɔhye ase fa bra fofor. Hadhrat Khalifatul Masih kaa de ɔnam Nyankopɔn N'adom ntsi, nde mber yi mpo wɔdze nkorɔfo a wɔwɔ sunsum mu kankɔ rodɔm hen- nkorɔfo a Anohoba Mesia (ANN) kyerekyeree hɔn su no a anana mpo gye hɔn to mu no. Huzoor dze mfatoho bi totoo iynom ho.

Hen ɔfopanyin a ɔwɔ Burkina Faso kyereww de mber bi otuu kwan kor ekyirekyir Burkina Faso na Mali ehyiado bea a nkorɔfo roko tsia hen. Mosque (asɔrfi) a ɔwɔ

hò no hòn Imam (sofo) kaa de se yedze ko a yeroko tsia hòn to nkyen a ogye nyimpa baasa bi a woye Muslimfo mapa wò ekuraase hò a woye dansewa na dem nkoròfo baasa yi nyinara ye Ahmadiyyafo. Dem ntsi hen etsiafo gye to mu de wòabahen Ahmadiyya mu no nokwar nsesa ba dem nkoròfo no mu. Dem mfatoho a otse dem yi na oboa Tabligh (nsempatre) ne nyee. Ampaara, beebiara a yetse no owò de yedua dem akwan yi mu ama yeaboa Tabligh ne nyee. De mbre Anohoba Mesia (ANN) kaa no, owò de yeper nyia gyinabew a odzi mu a orohwehwe efi hen nkyen.

Anohoba Mesia (ANN) no kaa de oye nhye de nyimpa tsena tsebea bi a sor abòfo mpo bòto nsa ekyia no. Okaa de se onya ye bai'at a owò de onyimpa no nya Nyankopòn ne kezeye ho suro a obòboa ma oetu bòn. Okaa de so obi kò do tsena wiadze ndzeyee mu a onnkehia de obonu noho wò ne nsamu, osiande se epe de inu woho wò ne nsamu aohia owu su bi ama eenya nkwan fofor na awow fofor. Ampaara, Bai'at a woye no nokwar mu no na owò nsusuando bi. Okaa de Nyankopòn hwehwe Bai'at a woye fi akoma mu. Nyia a odze nokwar akoma gye Anohoba Mesia (ANN) to mu no, Ono a Oye Fakye mapa no dze no bòn kye no, Ono a Oye Ehumbòbòr Nyankopòn no, dem nyimpa no tse de wòawo no fofor ma sor abòfo no twitwa gye no. Anohoba Mesia (ANN) no tuu n'akadofò no fo de wònhye ase ntsena tsebea fofor mu koraa.

Anohoba Mesia (ANN) no kaa de: Mbre Bai'at tse papaapa wò de wòtse ase yie mapa na wodzi ho dwuma. Na mbre Bai'at tse no de nyia oaye Bai'at nya no afei okyere mfatoho pa. Se otow fom iyi a, mfaso biara nnyi ho de obeye Bai'at. Mbom dza obeba nye de, dem Bai'at nam do ma enya ntseaden osiande ipetuw ye asokyew wò ber a enye obi akyekyer apam a oye mbusu a ano ye dzen.

Anohoba Mesia (ANN) no kaa de: se eye Bai'at a okyere de ehu mbre Bai'at tse okyee. Obi ye Bai'at de odze ne nsa bòto obi ne nsamu mbom nna onntse Bai'at no ase no mfaso biara nnyi ho na onndzi mu wò Nyankopòn enyim. Obi so a owò ekyirekyir akwansin mpempem dze nokwar akoma ye Bai'at na oagye mbre Bai'at no botae tse no, odze dza oagye ato mu no dzi dwuma na osesa ne ndzeyee. Dem nyimpa yi dzi mu mapa kyen onyia no a odze nsa too nsa mu yee Bai'at no a oammfa enndzi dwuma no.

Owò de yekyere mfatoho a yeabò dzin dadaw no a ofa no Ebibir ekyir ekyir no a Ahmadiyyafo beyee dansewa ma hen atamfo mpo gye hòn abrabò too mu. Bai'at ne nhyehyee kor nye de enye Anohoba Mesia (ANN) hen etuhoahye nhyehyee mu a okron kyen wiadze yi mu nkyerekyere biara. Iyi rokò do wò wiadze yi ekyirekyir mbeambea nde mber yi ara mu. Nkoròfo a woyee Bai'at wò oman a Soviet twaa mu ekyir no, enyin wò gyedzi na nokwardzi mu. Hòn mu binom baa Qadian Jalsa ehyiadzi no mfeda na wodzii ndan kòr hòn man mu no hòn mu kor kyerewee bekaa de nna oakenkan afa nhyirabea noho wò mbuukuu mu na oehu wò TV do so na ber a okopue hò no ohun enyimnyam a nna owò Anohoba Mesia (ANN) ne ber do no, ma edwir no do.

Otsee nka de oagye ahom a bere biaraa nnyi mu eso oeyi noho efi wiadzi nkaa no nyinara mu. Okaa de onnkotum akyere nka a otsee wò no mu wò krataa do. Nkye ne wura no bo botum efuww no naaso na n'enyiwa agye no ho na osanee maa no kutukutu femfem dze bò abaw do. Owura Adam n'adwen yee no de iynom nyinara ye Ahmadiyya n'adom.

Huzoor kaa de ohyiaa nkorɔfo kakra bi wɔ Australia Jalsa no ase na hɔn mu binom fi Fijiman mu na hɔn mu dodow noara ye afofor wɔ hɔn ndwuma mu naaso wogyae hɔn ndwuma no baa Jalsa no ase bi, wɔ ber a na binom so fi Australiaman no ara mu naaso oenntum ammba Jalsa no ase wɔ ber a nkye wobotum aba so.

Onua Umar a ofir Ivory Coast kyerew de ber a na aka ndafua kakrabaabi ma ɔaye Ivory Coast Jalsa no, nna onyi ahom biara a ɔdze bɔkɔ Jalsa no bi dem ntsi ɔbɔɔ mpae kyere Nyankopɔn kaa de ɔwɔ gyedzi wɔ Anohoba Mesia (ANN) no mu de ɔye nokwarfo na ɔpe de ɔkɔ Jalsa no bi na ɔsereɛ Nyankopɔn no mboa de ɔmma ɔnkɔ bi, mber anomu ara na obi so kaa kyere no de ɔpe de ɔkɔ Jalsa no bi dem ntsi ɔkyerew hɔn baanu no hɔn dzin wɔ Jalsa ho de wɔbɔkɔ bi wɔ aber a na onnyi ho sika, dem mber no ara mu na Muslimnyi a ɔnye Ahmadiyyanyi brɛɛ no Francs mpem eduonu (20,000 Francs) dem ntsi ɔdze France mpem du(10,000 Francs) tuaa hɔn akatua maa ɔno na ne nyanko no na ɔdze dza ɔkaa no so bɔɔ noho bra. Dem adom yi ma nyimpa ne gyedzi tu kafe, dem ara saso na wontwi wontwi so tum ba n'akoma mu a ɔka de Nyankopɔn nnyi hɔ, mbom iyinom ma nyimpa binom nya gyedzi nto mu, na wɔkɔ do ara nya mpuntu wɔ hɔn gyedzi mu.

Hɛn Sɔfo kor a ɔwɔ Switzerlandman mu kyerew de Ahmadiyya nyi basiaba bi wɔ Europe aborokyrir man bi mu a nna orusua adze naaso ɔye edwuma wɔ edwumakuw bi mu na ɔno pe na ɔye Muslimnyi wɔ edwuma no mu na wɔmaa no akwanya a nna ɔdze ye asɔr wɔ edwuma mu, na ɔbaa de edwumakuw no mu tserewee dem ntsi wonyaa adan afofor kaa hɔn adan ho na wɔfaa dɔm fofor kaa hɔn edwumayefo noho. Basiaba yi poow de ɔnye mbanyimfo bedzi asakrafutuw eguar abɔ mu wɔ nsu mu wɔ skuul pɔn agordzibea, skuul pɔn no mu mpanyimfo hyee no de ɔnye mbanyimfo nkɔbomu nguar naaso ɔannye ma wɔdzi iyi ho sombo kɔtoo n'edwuma mu mpanyimfo enyim na hɔn so hyee no de ɔnye dem ara naaso ogyina ne nando de ɔrennye na ber a ofi edwuma no mu no Nyankopɔn yee anwanwadze de ɔannkyer na n'edwumakuw no bɔɔ famu na woyii edwumayefo no pii edzi, iyi ma edwuma mu mpanyimfo yee nhyiamu dze hwehwɛe edwumakuw no ne fa mu bɔ no siantsir na panyin kor kaa de ɔdwen de oeyi obi edzi wɔ edwuma no mu a onndzi fɔ na n'adwen ye no de dem ntsi na edwuma no rokɔ fa mu no na hɔn nyinara gyee too mu dem ara.

Dem ntsi edwuma no kwankyerɛfo no kaa de wɔmfɛ dem basiaba no mbra edwuma no mu. ɔno n'ekyrir no ne nyanko bi sraa no kaa kyere no de edwumakuw no mu mpanyimfo ehyia ehu de ɔno ntsi na edwuma no abɔ famu no dem ntsi wɔmfɛ no nsan mbra na dem mber no ara mu na ne panyin kora na ɔhye n'ase kɔsɔkɔsɔ a nna ɔtan n'enyi no woyi no edzi na basiaba no wie n'adzesua yee nsɔhwɛ nyaa abɔdzin krataa a na ɔwɔ sor yie hom nhwe de Onua baa yi dzii kan yee Nyankopɔn N'apɛdze. Dem ntsi ɔno ndze ye yie. Huzur kaa de iyi mu adzesua nye de hɛn mbasiamba nhu de yedzi kan ye Nyankopɔn Ne pe wɔ wiadze yi mu a na ye benya nhyira onnyi de yefa Atoɛ aman yi mu suban nyinara ye dze a wɔye no na ye gyae hɔn suban bɔn no. Wonnsiw mbasiamba kwan de mma wɔnnguar mbom wɔnnguar papaapa nanso mma wɔnnye mbanyin nguar. Mbasiafɔɔ nkotsee botum abɔmu eguar mbom hɔn nsua abor (eguar) osiande esubor n'eguar yie papaapa. Na ɔwɔ de besiaba biara sua esubor nnkyere mbre wosi bor nsu, na ber yi mu no, esubor abeye mbasiamba hɔn dze naaso me nana kaa kyere me de na onyim esubor papaapa.

Iyi nye kwan atsembuafo a wɔwɔ Pakistanman mu bɔ ebira. Wɔdze Mullahfo ho suro bu atsen. Atsembu pii noara wɔ hɔ a wɔbuaae maa Ahmadiyyafo na ekyir no High court anaa Supreme court sanee sesaa no. Ɔye Jama'at n'enyimnyan de obiara nkotum ama ne nsa do aka biribiara etsia Jama'at yi anaaso Ahmadiyyafo. Iyi na ɔwɔ de Ahmadiyyanyi biara hwehwe. Bai'at ne nhyehyee kor nye de bɔbɔ woho mbɔdzen de beye mboa na mfaso ama adasamba.

Sierra Leone Ɔmanpanyin baa bekasae wɔ hen 52nd Jalsa ase na ɔkaa de, ɔbaa de ɔrebekyerɛ dem aber no na wɔ bor wɔ esutsen mu na na otum bor kɔ nsu n'etsifi. Iyi beye mfe ɔha ekyir asem no yehu wɔ Europe Aborɔkyirman mu de mbasiafo pii tum ye demara.

Ghana ɔtsenbuafo bi a wɔbɔɔ n'abaw do de, ɔwɔ mu de ɔye nyimpa naaso ɔbɔ noho mbɔdzen de obeyi ketɛasehye na porɔe akwa wɔ ne edwumaye mu kepem de se obi dze ndaaseadze mpo kekye no a ɔnngye. Ghana Atsembuafo Kuw kese (Ghana Bar Association) ehu no de ɔye nokwarfo mapa na iyi nye nsesapa a ɔba nkorɔfo a wɔagyɛ Anohoba Mesia (ANN) no edzi hɔn abrabɔ mu, na iyinom na wɔtse Bai'at no ase yie.

Na nhyira ɔnam no nyinara enyisɔ a wɔma Ahmadiyya kuw no wɔ som pa a wɔdze resom ɔman no na ne mu mba na ogyina ɔman no nyinara anan mu ma Ahmadiyya kuw no mbo na ye na wɔ akyerɛ hɔn nsempɔ "Love For All Hatred For None" ho dwumadzi wɔ nokwar mu de wonye nyiyimu wɔ nyimdzii na aponmudzen ho nhyehyee a wɔdze rema amanfo ɔse ɔda asɔr mba no ase pii de ɔye Ɔmanpayin. Hɔn a wɔwɔ fangoo sika no ammba anbe boa hɔn na mbom ekyir a wohun de Ahmadiyyafo reboa hɔn ara ma Arab aman no bi asoma hɔn amanmusifo aba hɔ robɔbɔ hɔn anohoba de wɔbesisi skuul na asopitsi ama hɔn. Mesre de Nyankopɔn ma nkorɔfo a wɔwɔ hɔ no tseneneeye ama woemmbu atsen bɔn.

Sierra Leone ɔmanyenyi bi so kasaa wɔ Jalsa no ase na ɔka de wɔakɔ UK Jalsa no mpen pii na w'ahu nkorɔfo a wɔwɔ hɔ no na kwan a wɔfa do dze som Islam de mbre Islamsom no kyere no, ɔse iyinom nyinara ma ohu de Islamsom ne ndaamba begyina Ahmadiyya kuw no do. Ɔkaa de se wɔronntum mmba kuw no mu bi a mma wɔnnka nsem a ɔnye mmfa kuw no ho wɔ aber a wonnyi kuw no ho nyimdzii biara se ɔhwe nsempɔw ahorow a kyerekyere wɔ Jalsa no ase no a, ohun de Ahmadiyyafo dɔ Nkɔmhyenyi Krɔnkrɔn Muhammed (NNN) papaapa yie.

Na Ahmadiyyanyi ɔbaa bi a ɔwɔ spain nkyerew Huzuur de ɔno na no kum Ahmadiyya nyi bi wɔ Spain man mu na hɔn nsewnom nnye Ahmadiyyafo muslimfo na se wɔ tsena ase a wɔdzi anokum mpen pii. Dem ntsi woegyaa de ɔnye hɔn benya nkitahodzi na wɔasere mpaebɔ de mbre ɔbeya ma hɔn ara enya hɔn fie atsena mu ama woenya kwan edzi Anohoba Mesia (ANN) no nkyerekyere ekyir yie. Onnyi de Ahmadiyya mbasiamba ma ɔhaw hɔn de wonntum nkyia mbanyimfo nsamu wɔ aber a Nyankopɔn mma iyi ho kwan demara na ɔwɔ de wodzi mbransem do.

Onuabi fi Indiaman mu, wɔakyerew de Mullahfo bi botuu hyee Ahmadiyyafo do gyee hɔn asɔrdan kaa de se Ahmadiyyanyi bi pe a ɔnye hɔn mbeye asɔr naaso Ahmadiyyanyi biara enndzi hɔn ekyir annyɛ asɔr kor mpo da. Ɔbeye den beye ma obi begyina Imam bi ekyir aye asɔr wɔ aber a Imam no nngyee hen aber yi do Imam me kyere Anohoba Mesia (ANN) no nto mu.

Anohoba Mesia (ANN) no ɔkaa dɛ, me nyim no yie dɛ ɔnnye m'edwuma dɛ medze dɛm nsem yi behyɛ nkorɔfo akoma mu na mennyi ho akadze a medze beyɛ so, ama me nkorɔfo agye me nsen atomu. Ɔkaa dɛ nyimpa mpempem na woenya ɔɔɔ nye nokwardzi naaso osiandɛ suban dadaw na nyimpa ne mberɛwye ntsi wodzi wiadze nsem ekyir, ara a ma ɔba no dɛ wogyaa Nyamesom ho abrabo, ɔkaa bio dɛ hɛn botae nye dɛ yɛbɛma adasamba enya ahotsewee ara a ma aba no dɛ Nyamesom behia hɔn akyɛn wiadze nsem nyinaa do na woeyi mbɔntohɔ biara a ɔtse nyimpa na Nyakopɔn ntamu efi hɔ. Sɛ yennya dɛm gyinabew yi a, ɔno ɔyɛ hu na gyedzi so nnkɛhyɛ ma. Ɔwɔ dɛ yɛbɔ hɛn mu adze na yɛhwɛ dɛ hɛn abrabo yɛ Nyankopɔn enyigye anaa?

Yɛbɔ mpaa dɛ Nyankopɔn mma hɛn ho ahɔɔzen ma yenye demara. Amen!

Translated by: 1. Mr. Alhassan Kobina Atta-Wenchie
(Tutor, Jamiatul Mubashireen, Ghana)
2. Mr. Rasheed Possible Essuman Sahib
(Second Year Student, Jamiatul Mubashireen, Ghana)

Downloaded from: www.jamiatulmubashireen.org
Contact: www.jamiatulmubashireen.org/contact-us